



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Coemiterivm.

urn:nbn:de:hbz:466:1-30427

sint de honestis.

4 **Q**UO se, vel alios exponunt probabiliter peccato mortali in choreis, non excusantur à mortali, quia videntur magis de huiusmodi delectatione curare, quam de anime sue salute, quam pro huiusmodi delectatione periculo damnationis exponunt. Et quoniam ut plurimum in his choreis accidunt peccata multa, ideo etsi choreæ non sint penitus damnandæ, sunt tamen homines bonis persuasionibus ab huiusmodi retrahendi. Nec laudo dicentem, quod imprudenter rustici arcentur taliter, ac si omnino chorizantes peccarent mortaliter. Hoc enim malum esset. Sed si moneantur ut caveant à tali consuetudine, tanquam à re periculosa, non video imprudenter aliquid factum, imò bonum esset si hæc choreæ modernorum temporū possent anihiliari.

COEMITERIVM.

1 **COEMITERIVM** habet eandem immunitatem, quam habet ecclesia, quò ad omnia capitula, exceptis duobus, videlicet quia nullus mortuus debet in ecclesia sepeliri. cap. nullus. 13. q. 2. licet nõ seruetur. Secundò quia in choro laici esse non debent, secundum Ray. & Hostiæ, licet de consuetudine non seruetur. Violatur, & reconciliatur ab eodem, & eodem modo, sicut ecclesia, secundum Host. & Ber.

2 **COEMITERIVM** censetur pollutum, quando ecclesia sibi coniuncta, id est, contigua est polluta effusione seminis, vel sanguinis iniuriosè facta, & non parua: ut infra, Consecratio. §. 4. & antequam sit reconciliatum, nemo debet ibi sepeliri: secus quòdo cœmeterium esset remotum ca. vnic. de consecr. eccles. & alra 1. 6.

3 **POLLVTO** cœmeterio, non est polluta ecclesia, ne minus dignum videatur ad se trahere magis dignum, de consecr. eccle. 1. 9. c. si ecclesia.

4 **Q**UANDO murus mediat inter duo cœmeteria contigua, & porta est in muro, per quam est accessus ad v-

tria, & vno polluto alterum non polluitur: ut in eodem cap. vnic. Quòd si pollutio fiat in medio hostij, secundum Ioan. And. illud erit pollutum, cuius causa paries, & hostium facta sunt. Quòd si nescitur, sed videtur, quod sint facta, ut faciant duo cœmeteria, verumque erit pollutum, prout ibi textus inquit.

5 **S**i pollutio fiat in porta ecclesiæ extra lineam, ad quam percutiunt valvæ in liminibus, ecclesia non est polluta, secus si intra: secundum Ge. Io. And. & Imo. Quomodo autem reconcilietur. infra consecratio. §. 4. & de consecr. d. 1. c. ecclesiam. de sepul. c. sacris. Cœmeterium locus est in quo defunctorum corpora requiescunt, quòd ante ecclesiam esse solet.

CIRCUNSTANTIA.

1 **CIRCUNSTANTIA** peccati, est actus humani mali accidens quoddam, quæ in hoc versu communiter continetur. Quis, quid, ubi, per quos, quotiens, cur, quomodo, quando. ex S. Tho. prima secundæ. q. 7. a. 1. & 2. Ray. addit quotiens, quæ propriè non pertinet ad circumstantiam, sed ad substantiam actus.

2 **CIRCUNSTANTIAE** aliæ sunt alleviantes, ut furari pro elemosyna faciendâ, aliæ aggravantes, quæ vel aggravant in infinitum, vel non. Alleviantes nullo modo quis tenetur confiteri. Aggravantes non infinitè, de necessitate non sunt confitendæ, sed de bene esse. secundum Thom. 4. sent. d. 16. q. 3. quia peccata venialia de necessitate non sunt confitenda, nisi vel propter instructionem, vel propter periculum, vel scandalum, vel huiusmodi. Quæ autem in infinitum aggravant, necessariò sunt confitendæ, tanquam mortalia peccata: secundum Th. vbi supra.

3 **CIRCUNSTANTIA** repugnans rationi, primò, & per se, & non ratione alterius, mutat speciem, non autem si ratione alterius adveniat, ut si ad hunc actum, qui est accipere rem adveniat alienam, mutat speciem, nõ autem accipere alienum in parua, vel magna